

Radiukkut tv-kkullu aallakaatitsisarneq pillugu Inatsisartut peqqussutaat nr. 6, 14. november 2004-imeersoq.

Kalaallit Nunaanni radiukkut fjernsynikkullu aallakaatitsisarneq pillugu inatsit nr. 815, 19. december 1989-imeersoq naapertorlugu aalajangersarneqarput:

Kapitali 1

Aallakaatitassiorsinnaatitaaneq

§ 1. Makkua § 2-mi taaneqartunik aallakaatitassiornissamut pisinnaatitaapput:

- 1) Kalaallit Nunaata Radioa (KNR), tak. kapitali 4.
- 2) Ingerlatseqatigiiffiit, peqatigiiffiit assigisaallu kiisalu kommunit aallakaatitsisinnanermut akuersissummik kapitali 3 malillugu tunineqarsimasut.

Imm. 2. Inatsisartut peqqussutaat aammalu Inatsisartut peqqussutaat naapertorlugu aalajangersakkat atuutilersinneqarsimasut kiisalu aallakaatitsisinnanermut akuersissummik tunineqarnermi piumasaqaatit nalunaarutigineqarsimasinnaasut naapertorlugit aallakaatitassiortoqartassaaq.

§ 2. Aallakaatitassiorneq imatut paasineqassaaq:

- 1) Radioqarfiit aqutugalugit tusarnaagassianik isiginnaagassianillu inunnut tamanut aallakaatitsineq.
- 2) Tusarnaagassianik isiginnaagassianillu nr. 1-imi ilanngullugit taaneqanngitsunik antenneqarfiit ataatsimoorussat iluaqutugalugit agguaanerit.

Imm. 2. Inatsisartut peqqussutaanni matumani radioqarfinnik oqarnermi pineqarput radiukkut attaveqarnermut atortut ledningeqanngitsut suulluunniit.

Imm. 3. Inatsisartut peqqussutaanni matumani antenneqarfinnik ataatsimoorussanik oqarnermi pineqarput antenneqarfiit ataatsimoorussat kabeleqarfiillu allat aallakaatitassianik tusarnaagassianik isiginnaagassianillu ininut privatimik najugaqarfiusunut inunnut tamanut agguaasarnermut atortut.

Imm. 4. Inatsisartut peqqussutaanni matumani kabeleqarfinnik oqarnermi pineqarput kabelit aqutugalugit nalunaarasuartaatitigut attaveqatigiinnermut atortut.

§ 3. Nalunaarasuartaatitigut attaveqarneq sullissinerlu pillugit Inatsisartut peqqussutaat naapertorlugu tamanut ammasumik nalunaarasuartaatitigut sullissinermi atortorisanik ingerlatsinermillu kiisalu tamakku suliariumannittussarsiorsinnaanerinit kisermaassisinnaanermik akuersissuteqartup, teknikkkut atortunik KNR-ip §2, imm. 1 naapertorlugu tusarnaagassianik isiginnaagassianillu inunnut tamanut aallakaatitsisarnermini pisariaqartitaanik, KNR-mik isumaqatigiissutit malillugit pilersissavai, atortunillu ingerlatsineq akisussaaffigissallugu.

Imm. 2. Atortunik imm. 1-imi taaneqartunik ikkussuinnermut ingerlatsinermullu piumasaqaatit kiffartuussinermik isumaqatigiissutini aalajangersarneqassapput, Naalakkersuisunit akuerineqartussanngorlugit.

Imm. 3. Kiffartuussissutit imm. 1-imi taaneqartut akiisa naatsorsorneqarnissaannut tunngavissat akiliisarnissamullu piumasaqaatit Naalakkersuisut erseqqinnerusumik malittarisassiorsinnaavaat.

Kapitali 2

Tusarnaagassianik isiginnaagassianillu siammarterisarneq

*TV-ikkut aallakaatitsissutaasinnaasut digitaliusut iluaqutigalugit
tusarnaagassianik isiginnaagassianillu siammarterineq*

§ 4. Kallaallinit aammalu nunanit allanit tusarnaagassianik isiginnaagassianillu aallakaatitsisutit digitaliusut iluaqutigalugit nuna tamakkerlugu siammarterineq, taamaallaat Naalakkersuisut akuersissuteqarnerisigut pisinnaavoq.

Imm. 2. Naalakkersuisut akuersissummik tunniussinermittut atatillugu akuersissummut piumasaaqatit aalajangersaasinnaapput.

Imm. 3. Kisermaassinermut akitsuutit Naalakkersuisunit aalajangerneqartut akilersinnissaanut akuersissuteqartinnissaat Naalakkersuisut piumasarisinnaavaat.

Imm. 4. Naalakkersuisut akuersissummik atorunnaarsitsisinnaapput akuersissummik piginnittup

- 1) Inatsisartut peqqussutaat imaluunniit aalajangersakkat peqqussut naapertorlugu aalajangersarneqarsimasut unioqquippagit, unioqquitsineq annertuppat unioqquitsinerilluunniit qaseeriarluni akuttunngitsumik pippata, imaluunniit
- 2) akuersissuteqarnermi piumasaaqatigineqartut sumiginnarpagit.

Imm. 5. Kallaallinit aammalu nunanit allanit tusarnaagassianik isiginnaagassianillu aallakaatitsisutit digitaliusut iluaqutigalugit nuna tamakkerlugu siammarterinemut akuersissummik tunniussisarneq pillugu maleruagassianik Naalakkersuisut aalajangiisinnaapput.

*Antenneqarfinni ataatsimoorussani tusarnaagassianik isiginnaagassianillu
siammarterisarneq*

§ 5. Kallaallinit aammalu nunanit allanit tusarnaagassianik isiginnaagassianillu, antenne iluaqutigalugu toqqaannartumik tigooqqarneqartunik, imaluunniit kabeleqarfiiit aqutigalugit tigooqqarneqartunik, antenneqarfinni ataatsimoorussani agguasarneq taamaallaat pissaaq allannguuteqanngitsumik aallakaatitsinerullu peqatigisaanik.

Imm. 2. Taamaattorli allagartalersuineq assigisaalu kiisalu piffissakkut allakkut agguaneq pisinnaapput radiukkut imaluunniit fjernsynikkut aallakaatitsivik atorneqartoq akuersisimappat.

§ 6. Antenneqarfinnik ataatsimoorussanik piginnittut pisussaapput, tusarnaagassiat isiginnaagassiallu radioqarfiiit aqutigalugit KNR-imit siammarterneqartut siaruarternissaat qulakkiissallugu. Tamatumani pineqanngillat aallakaatitassiat § 29, imm. 1, naapertorlugu aallakaatinneqartut. Pisussaaffik aamma atuutinngilaq KNR-ip aallakaatitai antenneqarfinnik ataatsimoorussanik atuisunit allatut tigoorarneqarsinnaappata.

Imm. 2. KNR-imit aallakaatitassiat digitaliusut taamaallaat siaruarterneqassapput aallakaatitassiat digitaliusut allat antenneqarfimmi siaruarterneqarpata. KNR-imit aallakaatitassiat digitaliusut allannqortinneqarnissaat inerteqqutaavoq, ilutigitillugu aallakaatitassiat assingi digitaliusumik siaruarterneqanngippata.

§ 7. Antenneqarfiiit marlunnik amerlanerusunik kanaleqarpata aammattaaq kanali ataaseq atugassanngortinneqassaaq nunaqarfigisami aallakaatitassianut kapitali 3 malillugu akuersissut naapertorlugu siammarterneqartussanut agguanneqartussanulluunniit.

Imm. 2. Aallakaatitassiat ataatsimoortut neqeroortigineqarpata,

- 1) ataatsimoortut tamarmik aallakaatitassianik imm. 1-imi aamma § 6-imi ilanngunneqartunik imaqqassapput, aammalu
- 2) ataatsimoortut ataasiinnaat, aallakaatitassianik imm. 1-imi aamma § 6-imi ilanngunneqartunik imaqqartut imaluunniit aallakaatitassianik taakkuinnarnik aallakaatitassianillu allanik

imaqartut pisiarinissaannut periarfissaqassaaq, taakkulu ima killilimmik akeqartillugit akilernerqassapput aallakaatitassiat ilassutaat, aallakaatitassiat ataatsimoortut katillugit akiinut killilimmik naleqassallutik.

Imm. 3. Imm. 2 naapertorlugu pisussaaffik atuutinnilaq aallakaatitassiat pineqartut antenneqarfinnik ataatsimoorussanik atuisunit allatut tigoorarneqarsinnaappata.

§ 8. Dekoderit aallakaatitanik ilisarnarunnaarsakkanik allannqortitsilluni tv-kkut aallakaatitanik fjernsynikkut takuteqqeriaannangortitsissutit antennini ataatsimoorussani atorneqarsinnaaneritut maleruagassanik Naalakkersuit aalajangiisnaapput. Maleruagassani pissutsit makkua pineqarsinnaapput:

- 1) Aallakaatitassianik neqerooruteqartut dekoderinik ataatsimoorussanik antenneqarfinni ataatsimoorussani atorneqartunik atuisinnaatitaanerit.
- 2) Aallakaatitassianik neqerooruteqartut namminerisamik dekoderiminnik atuisinnaatitaanerit.
- 3) Aallakaatitassianik neqerooruteqartut atuisunut toqqaannartumik akiliisitsisnaanerit.

Kapitali 3

Aallakaatitsisnaanermut akuersissut

§ 9. Ingerlatseqatigiiffiit, peqatigiiffiit assigisaasaluunniit nuna tamakkerlugu aallakaatitsisnornissamut qinnuteqarnerisa kingorna, Naalakkersuisut akuersissut tunniussinnaavaat (nuna tamakkerlugu aallakaatitsisnaanermut akuersissut) , tak. § 14.

Imm. 2. Naalakkersuisut nuna tamakkerlugu aallakaatitsisnaanermut akuersissuteqarnerminnut atatillugu akuersissummut, matumani aamma ilanngullugit piffissamik killiliinermut kisermaassinermullu akitsuutit akilernissaannut piumasaqaatinik aalajangiisnaapput.

Imm. 3. Nuna tamakkerlugu aallakaatitsisnaanermut akuersissummut piumasaqaatit atugasarititaasullu Naalakkersuisunit erseqqinnerusumik maleruagassiuunneqarsinnaapput, aallakaatitsisnaanermut akuersissummut akitsuutit akilernissaat ilanngullugit.

§ 10. Radio tv-lu pillugit aalajangiisartut, tak. kapitali 6, ingerlatseqatigiiffiit, peqatigiiffiit assigisaasalu kiisalu kommunit qinnuteqaateqarnerisigut nunaqarfigisami aallakaatitsisnaanermut akuersissuteqarfigisnaavai (nunaqarfigisami aallakaatitsisnaanermut akuersissut) tak. § 13.

Imm. 2. Nunaqarfigisap iluani aallakaatitsisnaanermut akuersissut kommunip pineqartup iluani aallakaatitsisnaanermut akuersissutaavoq. Pissutsit immikkut illuinnartut atuutsillugit kommunit qanigisat iluanni aamma aallakaatitsisnaaneq Radio tv-lu pillugit aalajangiisartut aallakaatitsisnissamut akuersissummik piginnittumut akuersissutigisnaavaa.

Imm. 3. Aallakaatitassiamik sumiiffimmi allami aallakaatitsisnaanermut akuersissummik piginnittumit tassunga ilutigitillugu aallakaatitneqartumik aallakaatitsinissaq taamaallaat ajornannilaq aallakaatitsisnaanermut akuersissutinik piginnittut tamanna isumaqatigiissutigipassuk, aammalu aallakaatitassianik assigiinnik ataatsikkut aallakaatitsinerit ataasiakkaaginaappata.

Imm. 4. Radio tv-lu pillugit aalajangiisartut sumiiffimmi aallakaatitsisnaanermut akuersissutaagallartumik tunniussinermigut aallakaatitsisnaaneq akuersissutigisnaavaa, aallakaatitassiat sumiiffiup iluani piffissap sivikitsup ingerlanerani pisunik ataasiakkaanik imaqarpata.

§ 11. Aallakaatitsisnaanermut akuersissutip aallakaatitsisnaanermut akuersissutaanermi saniatigut aammattaaq imaraa radiofrekvensit pillugit inatsisip Kalaallit Nunaanni atuutilersinerqarnera pillugu Kunngip peqqussutaa naapertorlugu frekvensimik atuinissamut akuersissut.

Imm. 2. Aallakaatitsisinnaanermut akuersissut piffissami, qaammatisiutit malillugit ukiup akuersissummik tunniussiffiusup sinnerani kiisalu qaammatisiutit malillugit ukiuni taassuma tulliini tallimani atuuttussatut tunniunneqassaaq, aatsaalli piffissamut sivikinnerusumut qinnuteqartoqarsimangippat. Piffissaq aallakaatitsisinnaanermut akuersissutit atuuffia naappat nutarterneqarnissaa qinnutigineqarsinnaavoq.

§ 12. Aallakaatitsisinnaanermut akuersissummik qinnuteqaammi aallakaatitassiat suunerat nassuiarneqassaaq. Aallakaatitassiariniakkap tamakkerlugu suunera nassuiaammi ersersinneqassaaq. Qinnuteqaat paasissutissanik makkuninnga imaqassaaq:

- 1) Qinnuteqaateqartup aqqa, najugaa, immaqalu oqarasuaatip telefaxillu normui kiisalu e-mail adresse.
- 2) Qinnuteqaateqartup IIN-normua aamma ingerlatsiveqarfittut normua.
- 3) Aallakaatitsisinnaanermut akuersissutit qanoq siaruarsinnaatiginera.
- 4) Sumiiffik aallakaatit annguffigisinnaasaat.
- 5) Aallakaatitsisinnaanermut akuersissutit suussusia (radio tv-luunniit).
- 6) Piginnittunut, siulersugaanermut pisortaqarnermullu tunngasut.
- 7) Tusagassiuutit ingerlassanik allanik piginnittuusimagaanni suleqateqaraanniluunniit.
- 8) Suleqatigiinnissamik pilersaaruteqaraanni.
- 9) Aallakaatitassiornerup ilusia imarisaalu, aamma oqaatsit agguataagaanerat.
- 10) Piffissat aallakaatitsiffiit.
- 11) Aallakaatitassiornerup aningaasalersugaanera.
- 12) Aallakaatitsinerumut aallakaatitassiornermullu atortorissaarutit.
- 13) Pissutsit, Radiofrekvensit pillugit inatsisip Kalaallit Nunaanni atuutilersinneqarnera pillugu peqqussut naapertorlugu frekvensimik atuinissamut akuersissummik qinnuteqaatit suliarineqarnissaanut pisariaqartut.

Imm. 2. Qinnuteqaat aallakaatitassiornerumut akisussaasumit atsiorneqarsimassaaq.

Imm. 3. Qinnuteqaateqartup akuersissummik tunineqareernermi kingorna paasissutissanut imm. 1-imi taaneqartunut allannguutaasinnaasut Radio tv-lu pillugit ataatsimiititaliamut qagukukkulluunniit nalunaarutigisassavai.

Imm. 4. Qinnuteqaateqarnermi periusissat pillugit maleruagassat aamma paasissutissanut ilassutissat Naalakkersuisut aalajangersinnaavaat.

§ 13. Ingerlatseqatigiiffiit, peqatigiiffiit assigisaasalu sumiiffiup aalajangersimasup iluani aallakaatitsisinnaaneranumut akuersissut piumasaqaatit makkua naammassineqarsimappata tunniunneqassaaq:

- 1) Ingerlatseqatigiiffik, peqatigiiffik assigisaaluunniit Kalaallit Nunaanni angerlarsimaffeqassaaq.
- 2) Ingerlatseqatigiiffiup, peqatigiiffiup assigisaataluunniit qinnuteqaammi uppersaatissanut piumasaqaatit naammassisimassavai, tak. § 12, imm. 1.
- 3) Aallakaatitassiap ilusia imarisaalu inatsisip unioqutitsisutut isigineqartuussanngillat.
- 4) Radiofrekvensit pillugit inatsisip Kalaallit Nunaanni atuutilersinneqarnera pillugu peqqussut naapertorlugu frekvensimik atuinissamut akuersissummik piumasaqaatit naammassineqarsimassapput.

Imm. 2. Kommuniq aallakaatitsisinnaaneranumut akuersissut tunniunneqassaaq imm. 1-imi piumasaqaatit naammassineqarsimappata, aammalu kommuniq aallakaatitassiornerumut aallakaatitsinerumullu atortorissaarutinik atugassaartinnissaat imaluunniit kommuniq paasissutissanik ingerlatitsisarnissaa.

§ 14. Ingerlatseqatigiiffiit, peqatigiiffiit assigisaasalu nuna tamakkerlugu aallakaatitsisinnanerannut akuersissut tunniunneqarsinnaavoq piumasaqaatit imaattut naammassineqarsimappata:

- 1) § 13, imm. 1-imi piumasaqaatit naammassineqarsimappata.
- 2) Qinnuteqaateqartoq sumiiffiup aalajangersimasup iluani tassunga ilutigitillugu aallakaatitsisinnanermut akuersissummik tunineqarsimanngippat.
- 3) Qinnuteqaateqartup aningaasaqarniarnikkut tunngavia naammaginartuuppat.
- 4) Qinnuteqaateqartup aallakaatitsinissamut periarfissai naammaginartuuppat.

Imm. 2. Nuna tamakkerlugu aallakaatitsisinnanermut akuersissummik kommunimut tunniussisoqarsinnaanngilaq.

§ 15. KNR-ip akuersissutillu piginnittuata aallakaatitsinerit tamarmik aallakaatitassiornermut akisussaasoqartinneqarnissaat isumagissavaat.

Imm. 2. KNR-ip akuersissutillu piginnittuata isumagissavaat aallakaatitassiat naammassineri tamaasa kia akisussaasimanerata nalunaarutigineqarnissaa, aammalu radioqarfiup tv-qarfiulluunniit suunera paasisitsissutigineqassaaq.

Imm. 3. KNR-ip akuersissutillu piginnittuata ingerlatami aalajangersakkat eqqortinneqarnissaat nakkutigissavaat.

§ 16. KNR aamma akuersissutip piginnittua upalungaarsimanissami pingaaruteqartunik innuttaasunut nalunaarutunik aallakaatitaqartarnissamik pisussaapput.

Imm. 2. Imm. 1-imi aallakaatinneqartussat taaneqartut qaqugu qanorlu aallakaatinneqartarnissaat pillugu Naalakkersuisut malittarisassanik aalajangiisinnaapput.

§ 17. KNR-ip akuersissutillu piginnittuata aallakaatitassiat tamaasa, maleruagassat Naalakkersuisunit aalajangerneqartut naapertorlugit immiuttassavaat qaammatinilu pingasuni toqqortarisassallugit. Aallakaatitassiorneq pillugu suliamik suliaqarnermut atatillugu, pilerisaarutit aallakaatinneqarsimasut ilanngullugit, Radio tv-lu pillugit aalajangiisartut piginnittoq peqqusinnaavaat aallakaatitassianik immiussat tunniuteqqullugit. Suliassap aallakaatitsinerimut tunngasup sularineqarnera pissutigalugu pisariaqarpat piginnittoq Radio tv-lu pillugit ataatsimiititaliamit peqquneqarsinnaavoq aallakaatitassiat qaammatinit pingasunit sivisunerusumik toqqortareqqullugit.

§ 18. KNR-ip aamma sumiiffinni radioqarfiit tv-qarfiillu kapitali 5 naapertorlugu tapiissutunik pissarsisartut piginneqqaartussaataaneq pillugu inatsisip periarfissiinera naapertorlugu innuttaasunut periarfissiissapput aallakaatitassianik toqqortaasivimminni misissuisinnaatillugit, taamaaliornissamut aningaasartuutinut akiliuteqartitsillutik.

§ 19. Radio tv-lu pillugit aalajangiisartut sumiiffimmi aallakaatitsisinnanermut akuersissut atuukkunnaarallartissinnaavaa atuukkunnaavitsissinnaalluguluunniit, akuersissutip piginnittuata § 13 naapertorlugu aallakaatitsisinnanermut akuersissuteqarnissamut piumasaqaatit naammassisinnaajunnaarpagit, imaluunniit akuersissutini ukioq ataaseq sinnerlugu atorsimanngippagu.

Imm. 2. Radio tv-lu pillugit aalajangiisartut sumiiffimmi aallakaatitsisinnanermut akuersissut atuukkunnaarallartissinnaavaa atuukkunnaavitsissinnaalluguluunniit, akuersissutip piginnittuata

- 1) paragraffit 15-imiit 18-imut, § 17 naapertorlugu peqqussutit nalunaarutigineqartut imaluunniit aalajangersakkat taakku malillugit § 16, imm. 2-mi peqqussutigineqartut sumiginarpagit,
- 2) § 12, imm. 3, unioqqu Tippagu,

- 3) pilerisaarisarnermut aningaasalersuinerullu maleruagassat unioqutippagit, tak. kapitali 7,
- 4) Inatsisartut peqqussutaat imaluunniit aalajangersakkat peqqussut naapertorlugu aalajangersarneqarsimasut unioqutippagit, unioqutitsinerit annertuujuppata qasseeriarluniluunniit unioqutitsineruppata,
- 5) inatsisit allat ingerlatsinermini annertuumik qasseeriarluniluunniit unioqutippagit, imaluunniit
- 6) Radiofrekvensit pillugit inatsisip Kalaallit Nunaanni atuutillersinneqarnera pillugu peqqussut naapertorlugu pinngitsoorani akiliutaasussat akilersimangippagit.

Imm. 3. Imm. 2-mi taaneqartut pisimatillugit Radio tv-lu pillugit aalajangiisartut inassuteqarneratigut nuna tamakkerlugu aallakaatitsinnaanermut akuersissut Naalakkersuisut atorunnaarallartissinnaavaat atorunnaavitsissinnaalluguluunniit. Atorunnaarsitsineq pisinnaavoq akuersissutip piginnittuata aallakaatitsinnaanermut akuersissummik tunineqarnissamut piumasaaqatit naammassisinnaajunnaarpagit, tak. § 14-imi akuersissummumut piumasaaqatit, imaluunniit ukioq ataaseq sinnerlugu akuersissut atorneqarsimangippat.

Kapitali 4 *KNR*

Siunertat suliaassallu

§ 20. KNR-ip siunertaraa Kalaallit Nunaanni innuttaasut tamakkerlugit aallakaatitassianik sullissinernillu tamatigoortunik nutaarsiassaqaartitsinerumut, qaammarsaanermut, ilinniartitsinerumut, eqqumiitsuliornermut aliikkusersuinerullu tunngasunik (innuttaasunik kiffartuussinermi pisussaaffiit) tv, radio aamma internet assigisaalluunniit aqutugalugit pilersorneqarnissaat qulakkiissallugu.

Imm. 2. Aallakaatitassiat suliarilluagaallutillu, tamatigoortuullutillu amerlasuujunissaat anguniarneqassaaq.

Imm. 3. KNR-ip aallakaatitassiai ataatsimut isigalugit Kalaallit Nunaanni inuiaqatigiit tamatigoortumik sammineqarnerannik imaqaassapput, tassuunakkullu kulturikkut, inuunermik paasininnikkut inuunermilu atugassarititaasutigut nunap immikkoortuini assigiinngitsuni atugaasut qanoq assigiinngitsiginerininik takussutissiissallutik.

Imm. 4. Nunap tamavimmi sammineqarnissaa anguniarlugu KNR aallakaatitassiortartullu allat, aamma sumiiffinni radioqarfiit tv-qarfiillu niuernerpalaartumik tunngaveqarlutik erseqqinnerusunik isumaqatigiisuteqassapput, taamaalillutik aallakaatitassiortartut allat sumiiffimminniit nuna tamakkerlugu ingerlatsisumut ilaatigut pilersuisunngorlutik.

Imm. 5. Aallakaatitassiat innuttaasut inuiaqatigiinnut tunngasunik pingaarutilinnik ilisimatineqarnissaannik oqallinnissaanillu qulakkeerisuussapput.

Imm. 6. Aallakaatitassiatigut aammattaaq eqqumiitsuliornikkut kulturikkullu pilersitsisarnerup tamatiguussusia takussutissaqaartinneqassaaq, aallakaatitassianilu inuiaat kalaallit kulturikkut soqutigisaasa amerlasuunut sammissusiat ersersinneqassalluni. KNR-ip kalaallit eqqumiitsuliaannik kulturiannillu, aamma kalaallit kulturikkut kingornussaannik sulissutiginninniartutut ingerlatitseqqinniartutullu inissisimanini pingaartilluinnassavaa.

Imm. 7. KNR-ip aallakaatitassiami aallakaatitanik meeqqanut inuusuttuaqqanullu sammitineqartut isumagissavai.

Imm. 8. KNR-ip teknikkikkut periarfissat nutaat atorlugit isumaginiassavaa inuit innarluutillit aallakaatitassianik atuisinnaanerannik annertusaanissaq, matumani aamma aallakaatitassiat inuiaqatigiinnut annertuumik soqutiginaatillit sapinngisamik allagartalersugaanissaat ussersornikkulluunniit nutserneqarnissaat anguniassallugu.

Imm. 9. KNR-ip innuttaasuni ikinnerussuteqarlutik kalaallit oqaasiinik ilitsoqqussaralugu oqaaseqartuunngitsut aallakaatitassiamini sapinngisamik annertunerpaamik isumagineqarnissaat qulakkiissavaa.

§ 21. KNR-ip aallakaatitassianik meeqqat ukiukinnerit timikkut, tarnikkut ileqqulersornik-kulluunniit annertuumik ajoquserneqaatigisinnaasaannik, matumani pingaartumik aallakaatitassianik atoqatigiinnermut tunngasunik imaluunniit pissuteqanngivilluni nukissornermik imaqartunik aallakaatitsisoqannginnissaa qulakkiissavaa. Ilanngutassiat sakkortuumik nukissornermik imaqartut imaluunniit isiginnaagassat kanngunartut pillugit KNR-i tusarnaartartunut isiginnaartartunullu mianersoqqusisassaaq.

Imm. 2. KNR-ip aallakaatitassianik ammip qalipaataanik, arnaanermik/angutaanermik, upperisamik, sumit naggueqarnermik, nunamit suminggaanneerneramik, politikkimik isummamik anguteqammilluunniit/arnaqammilluunniit atoqateqartartuunermik pissuteqartumik qinngarsuilernissamut aqutissiueqataasinnaasunik aallakaatitsisoqannginnissaa qulakkiissavaa.

§ 22. Aallakaatitassianik aqqissuussinermi pingaartilluinnarneqassapput naqisimaneqanngitsumik paasissutissiisinnaatitaaneq oqaaseqarsinnaatitaanerlu.

Imm. 2. Innuttaasut KNR aqutigalugu paasissutissiisinnaanissamut periarfissinneqarnissaat KNR-ip qulakkiissavaa. Tassunga atatillugu KNR aningaasartuutitut akiliuteqartitsilluni tusarnaartartut isiginnaartartullu nammineerlutik aallakaatitassiaminnik ineriartortitsineranni ikiorneqarnissaannik aammalu tusarnaartartut isiginnaartartullu allatut KNR aqutigalugu saqqumiussisinnaanissaat neqeroorfigisinnaavai.

§ 23. Paasissutissiisarnermi tunngaveqarluartarnissaq nakerisarsiortannginnissarlu pingaartinneqassapput.

§ 24. KNR-ip oqaatsit pillugit erseqqissumik anguniagaqarnermigut kalaallit oqaasiisa piigiinneqarnissaat ineriartortinneqarnissaallu peqataaffigissavaa.

§ 25. KNR-ip nutaarsiassaqartitsinermik aallakaatitaasa annertunersaasa naammineerluni aallakaatitassiaanissaat KNR-ip qulakkiissavaa, tak. imm. 2.

Imm. 2. Nammineerluni aallakaatitassiat tassaapput radiukkut tv-kkullu aallakaatitassiat aqqissorneqarsimasut KNR-ip nammineq suliarisimasai aamma aallakaatitassiat aqqissorneqarsimasut KNR-ip pingaarnertut suliarinnittuulluni aallakaatitassiorartut allat aallakaatitassioqatigalugit suliarisimasai.

Imm. 3. KNR-ip nammineerluni aallakaatitassiaasa saniatigut aallakaatitassiat piniarnerisigut aallakaatitassiorartunillu allanit pisinikkut pissarsiarineqartassapput, tak. § 20, imm. 4. Aallakaatitassiat aamma KNR-ip aallakaatitassiorartullu allat aallakaatitassioqatigiinnerisigut suliarineqarsinnaapput.

§ 26. Innuttaasut aallakaatitsineq pillugu tusarniarneqartarnissaat KNR-ip qulakkiissavaa.

§ 27. Pilerisaarutit aallakaatitassiallu aningaasalersorneqartut kapitali 7-imi maleruagassat malillugit aallakaatitsinermi ilaatinneqarsinnaapput.

§ 28. Naalackersuisut aamma KNR anguniagassat pillugit isumaqatigiisummik piffissaluisaq Naalackersuisunit aalajangersarneqartoq nallertinnagu isumaqatigiisuteqartassapput ukiut sisamakkuutaarlugit atuuttussamik, tak. paragraffit 20-miit 26-mut (innuttaasunik kiffartuussinnermut isumaqatigiisut) innuttaasunik kiffartuussinermi pisussaaffiit annertussusiinik qanorlu

ittuunissaannik erseqqinnerusumik aalajangersaaffiusumik, taamaattorli tak. § 61. Isumaqatigiissutit ikinnerpaamik makkuninnga imaqassapput:

- 1) KNR-ip innuttaasunik kiffartuussinermi ingerlatsinermini aallakaatitsinissamut periarfissaasa qassiuneri pillugit nassuiaatit.
- 2) KNR-ip piffissami isumaqatigiissuteqarfiusumi ingerlatsinissamini aningaasaqarnikkut atugassarisaasut naatsorsuutigineqartut pillugit nassuiaatit.
- 3) Nammineerluni aallakaatitassiat ikinnerpaaffissaat nalunaarneqassaaq, tak. § 25, imm. 2.
- 4) Kalaallisut aallakaatitassiat allat ikinnerpaaffissaat nalunaarneqassaaq, tak. imm. 2.
- 5) Aallakaatitassiorartunit allanit pisiarineqartussat ikinnerpaaffissaat nalunaarneqassaaq.
- 6) Aallakaatitassiat nutaarsiassat maannarpiarlu soqutigintartut ikinnerpaaffissaat nalunaarneqassaaq, matumani aamma aallakaatitassiat nutaarsiassat maannarpiarlu soqutigintartut nammineerluni aallakaatitassiat ikinnerpaaffissaat.
- 7) Eqqumiitsuliorneq kulturilu pillugit aallakaatitassiat ikinnerpaaffissaat nalunaarneqassaaq.
- 8) Aallakaatitassiat meeqqanut aammalu inuusuttuaqqanut sammitinneqartut ikinnerpaaffissaat nalunaarneqassaaq.
- 9) Aallakaatitassiat ilinniartitsinermut tunngasut ikinnerpaaffissaat nalunaarneqassaaq.
- 10) Aallakaatitassiat inuiaqatigiinni assigiinngitsunik oqaasilinnut sammitinneqartut aallakaatitanut assigiinngitsunut agguataarsimasut annertussusiat pillugu nassuiaatit, tak. § 20, imm. 9.
- 11) Ingerlatsinermini aningaasartuutit tamarmiusut ilaasa akissarsianut atorineqartussat annerpaaffissaat nalunaarneqassaaq.
- 12) KNR-ip sulisuinik ilinniartitseqqittarnerup ingerlaqqiffiusumillu ilinniartitsinerup qanoq annertutiginnissaannik nassuiaat.
- 13) Allaniq aallakaatitsisarnerup allanillu ingerlataqarnerup imarisaat qanorlu annertutigineri pillugit nassuiaatit, tak. § 29.

Imm. 2. Kalaallisut aallakaatitassianik allaniq oqarnermi pineqarput radiukkut tv-kekullu aallakaatitassiat aqqissorneqarsimasut, Kalaallit Nunaanni tv-qarfinnit radioqarfinnilluunniit allanit imaluunniit suliffeqarfinnit aallakaatitassiorartunit allanit Kalaallit Nunaanni angerlarsimaffeqartunit aallakaatitassiarineqarsimasut.

Imm. 3. Nammineerluni aallakaatitassiat, kalaallisut aallakaatitassiat allat, aallakaatitassiorartunit allanit pisiat ikinnerpaaffissaannik aallakaatitassiallu ataasiakkaat suunissaannik aalajangersaanermi aallakaateqqitat, pilerisaarutit aallakaatitassiallu allat aqqissorneqarsimangitsut ilaatinneqassanngillat.

Imm. 4. Naalakkersuisut innuttaasunik kiffartuussinermut isumaqatigiissutip imarisai pillugit erseqqinnerusunik malittarisassiorsinnaapput.

Imm. 5. Innuttaasunik kiffartuussinermut isumaqatigiissutip eqquutsinneqarnera pillugu ukiu-moortumik nassuiaatit KNR-ip suliaralugillu Naalakkersuisunut aamma Radio tv-lu pillugit ataatsimiititaliamut nassiu-tissavai. Nassuiaatit nassiu-neqarsimaffissaa isumaqatigiissummi aalajangerneqartassaaq.

Imm. 6. Innuttaasunik kiffartuussinermut isumaqatigiissut, taassumalu eqquutsinneqarnera pillugu nassuiaat tamanut saqqummiunneqartassapput.

§ 29. KNR allaniq aallakaatitassiorsinnaatitaavoq, assersuutigalugu nunanut allanut aallakaatitsinermini aammalu aallakaatitassiornermi aallakaatitsinertiguinnaanngitsoq siammarterneqartussanik. KNR aallakaatitassiornermik allamik, kapitali 3 naapertorlugu akuersissut malillugu, ingerlataqarsinnaanngilaq. Naalakkersuisut aallakaatitassiorneq alla pillugu maleruagassiorsinnaapput.

Imm. 2. KNR aallakaatitassiornermik ingerlataqarnermut atatillugu imaluunniit ingerlatsiviup teknikkikkut atortuisa atorineqarnissaat, immikkut piginnaasaqarnissaq il.il. siunertaralugit alla-

nik ingerlataqarsinnaavoq. Pisariaqartitsineq naapertorlugu KNR sumiiffinni radioqarfinnik tv-qarfinnillu akiliisitsilluni ilitersuisassaaq.

Imm. 3. Naalackersuisut ingerlataq alla pillugu maleruagassiorsinnaapput, matumani aamma ingerlatamik allamik suliaqarsinnaanermut killiliussat annertunerulersinneqarnissaat pillugu. Sumiiffinni radioqarfinnik tv-qarfinnillu KNR-ip ilitersuinera pillugu akiliisitsinermi piumasagaatit pillugit Naalackersuisut aalajangersaasinnaapput, tak. imm. 2, 2.

Imm. 4. Akiliisitsisarlu tv KNR-ip allanik aallakaatitassiornerani aamma ingerlataani allami ilaasinnaangilaq.

Imm. 5. Allanik aallakaatitassiorneq aamma ingerlataq alla unammilleqatigiinnermi atugassarititaasut tunngavigalugit ingerlanneqassaaq.

KNR-ip aaqqissuussaanera

§ 30. KNR pisortat suliffeqarfigaat namminersortoq.

Imm. 2. KNR-ip suliani aalajangiineri suliffeqarfiup ingerlatsineranut tunngassuteqartut, aqutsinikkut oqartussaasunut allanut ingerlateqqinneqarsinnaangillat. Sulianili tusagassiornermi ileqqorissaarnissaq aammalu akissuteqartarnissaq pillugit KNR-ip aalajangiineri tusagassiuissarnermi akisussaassuseqarneq pillugu inatsimmi maleruagassat naapertorlugit Tusagassiuissarnerit pillugit Aalajangiisartunut ingerlateqqinneqarsinnaapput.

§ 31. KNR siulersuisunit arfineq marlunnik ilaasortalimmit aquneqassaaq, taakkunannga siulersuisut siulittaasuat ilaasortarlu alla ataaseq Naalackersuisunit toqqarneqartarlutik. Ilaasortat sinneri inassuteqartoqarneratigut Naalackersuisunit imatut toqqarneqartarput:

- 1) Ilaasortaqaq ataaseq sumiiffinni radioqarfiit tv-qarfiillu kattuffiannit aallakaatitassiorartullu namminersortut kattuffeqarpata kattuffiannit inassutigineqartarpoq.
- 2) Ilaasortaqaq ataaseq Tusagassiornermik Ilinniarfimmi pisortanit inassutigineqartarpoq.
- 3) Ilaasortaqaq ataaseq Kalaallit Nunaanni tusarnaartartut isiginnaartartullu nuna tamakkerlugu kattuffiinit inassutigineqartarpoq.
- 4) Ilaasortaqaq ataaseq Kalaallit Nunaanni eqqumiitsuliortut kulturimillu sammisaqartut kattuffiinit inassutigineqartarpoq.
- 5) Ilaasortaqaq ataaseq KNR-imi aalajangersimasumik sulisuusunit inassutigineqartarpoq.

Imm. 2. Ilaasortat Kalaallit Nunaanni najugaqartuussapput, 18-inik ukioqalereersimassallutik aammalu Inatsisartuni ilaasortaassanak.

Imm. 3. Inassuteqarsinnaasunit imm. 1-imi taaneqartunit inassuteqartoqarsimanngippat Naalackersuisut inassuteqarnertaqanngitsumik ilaasortassamik toqqaassapput. Kalaallit Nunaanni tusarnaartartut isiginnaartartullu nuna tamakkerlugu kattuffeqanngippata ilaasortaqaq ataaseq KANUKOKA-mit inassutigineqassaaq.

Imm. 4. Siulersuisut tamarmiullutik tusagassiorneq, kultureqarneq, pisortatut aqutsineq inuussutissarsiornerlu paasisimasaqarfigissavaat. Ilaasortat peqqussut naapertorlugu inassuteqarnertaqanngitsumik Naalackersuisunit toqqarneqartussat tamarmik immikkut pisortatut aqutsineq inuussutissarsiornerlu paasisimasaqarfigissavaat.

Imm. 5. Siulersuisuni ilaasortanut tamanut, siulittaasoq kisiat pinnagu, sinniisussamik toqqaasoqassaaq, taannalu siulersuisunut ilaasortanngussaaq siulersuisunut ilaasortaqaq pineqartoq tunuarpat, soraarsitaappat sivisuumilluunniit peqanngippat. Sinniisoq toqqarneqarsimasooq siulersuisuni aalajangersimasumik ilaasortanngorpat sinniisussamik nutaamik toqqaasoqassaaq. Siulittaasoq tunuarpat soraarsitaappalluunniit Naalackersuisut siulittaasumik nutaamik toqqaassapput.

Imm. 6. Siulersuisut akunnerminni siulittaasup tullianik toqqaassapput.

Imm. 7. Ilaasortat ukiuni sisamani atasussatut qinerneqassapput, taamaattorli siullermik piffissamut 1. november 2005-imiit 31. december 2007-imut. Ilaasortat toqqarneqaaqqissinnaapput, kisiannili ataasiaannarlutik. Naalackersuisut siulersuisunut ilaasortaq sinniisussarluunniit aalajangersimasumik ilaasortannorsimasoq piffissap toqqaaffiup ingerlanerani soraarsissinnaavaat, siulersuisutut akisussaaffini annertuumik sumiginnarpagu allatulluunniit siulersuisuni issianissaminut imminut piukkunnarunnaarsissimappat.

Imm. 8. Siulersuisut akissarsiaqarnissaat aamma siulersuisuni ilaasortat akissaajaatiminnut, matumani ilanngullugit KNR-imik sullissinerminni angalanerminnut, nerisaqarnerminnut ineqarnerminnullu taarsiivigineqarnissaat pillugit Naalackersuisut maleruagassiorsinnaapput.

§ 32. Siulersuisut KNR-ip siulersuisorai qullerpaat, KNR-illu ingerlatsinera pillugu aalajangersakkat malinneqarnissaannut akisussaanerpaajullutik. Siulersuisut taassuma saniatigut akisussaaffigaat KNR-ip ingerlatsinera tamarmiusoq aamma innuttaasunik kiffartuussinermut isumaqatigiissutip eqquutsinneqarnissaa. Siulersuisut ulluinnarni aallakaatitassiorneq aallakaatitassallu ataasiakkaat sunnuteqarfignissusaanngilaat, tak. § 33, imm. 1.

Imm. 2. Siulersuisut KNR-ip ingerlatsineranut maleruagassat nalinginnaasut aalajangersassaavaat.

Imm. 3. Siulersuisut pisortamik atorfinitsitsisartuullutillu soraarsitsisartuupput.

Imm. 4. Naalackersuisut KNR-imi ileqqoreqqusassat pillugit maleruagassanik aalajangersaasinnaapput.

§ 33. Pisortaq ulluinnarni aallakaatitassanut akisussaavoq aammalu KNR-ip ulluinnarni allafitsigut aningaasatigullu aquneqarnera suliassaralugit. Suliffeqarfiup malittarisassat tamatumunnga tunngasut maleruagassallu siulersuisut aalajangersimasat malillugit aquneqarnissaa pisortap qulakkiissavaa.

Imm. 2. Pisortaq KNR-imi suleqataasunik atorfinitsitsisartuullunilu soraarsitsisartuuvoq.

§ 34. Atorfinitsitaanerni atugassarititaasut pissutsillu allat, atorfeqarnerup nalaani pissutsit soraarsitaanerillu eqqarsaatigalugit KNR-ip pisussaaffigaa, aalajangersakkat Namminersorne-rullutik Oqartussani atorfeqartunut qaqugukkulluunniit atuuttut malissallugit.

KNR-ip aningaasalersugaanera

§ 35. KNR-ip ingerlatsinera Nunatta karsianit tapiissutit, pilerisaarutit, aallakaatitassiat aningaasalersorneqartut allatullu ingerlatsisoqarpat tassuunakkut isertitat aqputigalugit aningaasalersorneqarpoq.

Imm. 2. Nunatta karsianit ukiumoortumik tapiissutit, ukiumut aningaasanut inatsiseqarfiup tullianut aningaasanut inatsisissap akuersissutigineqarneranut atatillugu Inatsisartunit aalajangersarneqartarput.

§ 36. Siulersuisut ukiumut aningaasanut inatsiseqarfiup tullianut aningaasatigut missingersuutit Naalackersuisunut ukiut tamaasa tunniuttassavaat, Naalackersuisut piffissaliussaata nallertinnagu. Siunnersuutip imarissavai isertitassatut, ingerlatsinermut aningaasartuutissatut sa-naartormullu aningaasartuutissatut naatsorsuutigisat missingersornerat kiisalu ukiut nikinne-ranni aningaasaatit akiitsullu. Tamatuma peqatigisaanik ukiumi aningaasanut inatsiseqarfimmi taaneqartumi Nunatta karsiata tapiissutissaasa qanoq amerlatiginissaannik siunnersuut siulersuisut tunniuttassavaat.

Imm. 2. Siulersuisut missingersuutitut tamarmiusunut siunnersuummut ilanngullugu aallakaatitassiornermik allamik ingerlatsinissamut imaluunniit allamik ingerlatsinissamut immikkut

missingersuutitut, matumani aamma ingerlatanut assigiinngitsunut allanut ataasiakkaanut immikkut missingersuutitut siunnersuutitut tunniussaartassapput.

§ 37. KNR-ip ukioq naatsorsuusiortia tassaavoq ukioq aningaasanut inatsiseqarfik. Namminersornerullutik Oqartussani aningaasatigut missingersuusiortermut, naatsorsuutitut nalunaarsuortermut naatsorsuutitut saqqummiussisortermut malittarisassat qaqugukkulluunniit atuutitut KNR-ip malissavai.

Imm. 2. Naatsorsuutitut KNR-ip pisortat sullissinertannik ingerlatsinertanut, aallakaatitassioortermik allamik ingerlatsinertermut imaluunniit allamik ingerlatsinertermut naatsorsuutit immikkut naatsorsuusiorteqarsimassapput, matumani aamma allamik ingerlatsinertermut assigiinngitsunut tamanut immikkut naatsorsuutitut.

Imm. 3. Naalakkersuutitut innuttaasunik kiffartuussinertim ingerlatsinertup aallakaatitassioortermillu allamik ingerlatsinertup aamma allamik ingerlatsinertup missingersuutitigut naatsorsuutitigullu immikkoortinneqarnissaat pillugu maleruagassanik aalajangersaasinnaapput.

Imm. 4. Ukiumoortumik naatsorsuutitut Namminersornerullutik Oqartussat kukkunersuusiutitut kukkunersioorteqartassapput.

Imm. 5. Piffissaliussaqaq Naalakkersuutitut aalajangerneqartoq tikitsinnagu, ukiumoortumik naatsorsuutitut kukkunersioorteqarsimasut siulersuutitut akuerineqarsimasut, kukkunersuutitut oqaaseqaataannik ilaqartillugit siulersuutitut Naalakkersuutitut akuersissutigisassat saqqummiunneqartassapput. Naalakkersuutitut ukiumoortumik naatsorsuutitut tamatum kingorna Inatsisartunut ilisimatitsissutitut ingerlateqqissavaat.

Imm. 6. Siulersuutitut naatsorsuutitut Naalakkersuutitut saqqummiussinertik ilutigalugu naatsorsuutitut tamanut saqqummiutissavaat.

Kapitali 5

Sumiiffinni radioqarfinnut tv-qarfinnullu tapiissutit

§ 38. Naalakkersuutitut tunngaviumik tapiissutitut tapiiffigineqarnissamik qinnuteqaateqartoqartillugu aningaasanut inatsimmi tassunga aningaasaliissutigineqarsimasut periarfissinertat malillugu sumiiffinni radioqarfinnut tv-qarfinnullu piumasaqaatinik makkuninnga naam-massinittunut tunngaviumik tapiissuteqartassapput:

- 1) Aallakaatitsivik aallakaatitsisinnanertermut akuersissummik atuuttumik peqassaaq.
- 2) Aallakaatitsiviup missingersuutitut, naatsorsuutitut kukkunersuusiorteqarnerlu pillugit Namminersornerullutik Oqartussat maleruagassiaat eqquutsissavai.
- 3) Aallakaatitsiviup aallakaatitassioortermik ingerlatsinertermut uppersaartit pillugit Namminersornerullutik Oqartussat maleruagassiaat eqquutsissavai.
- 4) Aallakaatitsiviup sumiiffimmi innuttaasut sumiiffimmi nutaarsiassanik ilisimatittassavai.
- 5) Aallakaatitsiviup sumiiffimmi innuttaasut oqaaseqarnissamut periarfissaqartissavai.
- 6) Aallakaatitsiviup aallakaatitassioortermik ingerlatsinertim ilaatigut aallakaatissavai siam-martissallugilluunniit aallakaatitassiat aqqissorteqarsimasut, aallakaatitsiviup nammineerluni suliai imaluunniit aallakaatitsiviup aallakaatitassioortermik ingerlatsivimmik allamik suleqateqarluni pingaarnertut aallakaatitassioortuulluni suliai (nammineerluni aallakaatitassiat). Aallakaatitseqqinnerit, ussasaartit aallakaatitassiallu aqqissuunneqarsimannigut nammineerluni aallakaatitassiatut isigineqanngillat.
- 7) Aallakaatitsiviup aallakaatitassianik meeqqat ukiukinnerit timikkut, tarnikkut ileqquler-sornikkulluunniit annertuumik ajoquserneqaatigisinnaasaannik, matumani pingaartumik aallakaatitassianik atoqatigiinnertermut tunngasunik imaluunniit pissuteqanngivilluni nukisortermik imaqartunik aallakaatitassioortannginnissaa qulakkiissavaa. Ilangutassiat sakkor-

tuumik nukissornermik imaqartut imaluunniit isiginnaagassat kanngunartut pillugit aallakaatitsivik tusarnaartartunut isiginnaartartunullu mianersoqqusisassaaq.

- 8) Aallakaatitsiviup aallakaatitassianik ammip qalipaataanik, arnaanermik/angutaanermik, upperisamik, sumit naggueqarnermik, nunamit suminngaanneerermik anguteqammilluunniit/arnaqammilluunniit atoqateqartartuunermik pissuteqartumik qinngarsuilernissamut, politikikkut isummanik aqqutissiueqataasinnaasunik aallakaatitsisoqannginnissaa qulakkiissavaa.

Imm. 2. Piumasaqaatit imm. 1, nr. 4-miit 6-imut taaneqartut qanoq annertutiginissaasa ikinerpaaffissaat pillugit maleruagassat Naalakkersuisunit aalajangersarneqarsinnaapput.

Imm. 3. Tapiissutit qaammatit pingasukkuutaartumik siumoortumik tunniunneqartassapput.

Imm. 4. Tapiissutinik pissarsisup aallakaatitassiornermik ingerlatsinermi allannguutit, imm. 1-imi piumasaqaatinik naammassinnikkunnaarnermik kinguneqartut Naalakkersuisunut nalunaarutigisussaavai.

Imm. 5. Tapiissutinik pissarsisup aallakaatitsinermik ingerlataqarnini, piffissaliussaq Naalakkersuisunit aalajangerneqartoq nallertinnagu ukiumoortumik naatsorsuutitigut kiisalu ukiumoortumik nalunaarutikkut nassuiaatigisassavaa.

§ 39. Naalakkersuisut aallakaatitassiornissamut tapiissutinik tapiiffigineqarnissamik qinnuteqaateqartoqartillugu aningaasanut inatsimmi tassunga aningaasaliissutigineqarsimasut periarfissiinerat malillugu sumiiffinni radioqarfinnut tv-qarfinnullu, tunngaviusumik tapiissutinik tapiiffigineqarnissamik piumasaqaatinik aamma nammineerluni aallakaatitassiat aalajangersimasut ikinerpaaffissaannik piumasaqaatit Naalakkersuisut aalajangersimasaannik naammassinnittunut taamatut tapiissuteqartassapput, tak. imm. 2.

Imm. 2. Nammineerluni aallakaatitassiat qanoq ittut aallakaatitassiornermut tapiissutinik tapiiffigineqarsinnaanerit pillugu maleruagassat Naalakkersuisut aalajangersassavaat, aammalu aallakaatitassiornermut tapiissutit, matumani aamma tapiissutit annertussusiinik ataasiakkaanik pisinnaanermit piumasaqaatit pillugit maleruagassat aalajangersarsinnaallugit.

Imm. 3. Aallakaatitassiornermut tapiissutit qaammatit pingasukkuutaartumik tunniunneqassapput qinnuteqaateqartup qaammatip pingasukkuutaap taassuma siuliani nammineerluni aallakaatitassiarisimasaasa annertussusii tunngavigalugit. Aallakaateqqitat, pilerisaarutit aallakaatitallu allat aqqissorneqanngitsut nammineerluni aallakaatitassiat naatsorsorneqarneranni ilaassanngillat.

Imm. 4. Tapiissutinik pissarsisup nammineerluni aallakaatitassiornermik ingerlataqarnini, piffissaliussaq Naalakkersuisunit aalajangerneqartoq nallertinnagu ukiumoortumik naatsorsuutitigut ukiumoortumillu nalunaarutikkut nassuiaatigisassavaa.

§ 40. Naalakkersuisut aningaasanut inatsimmi tassunga aningaasaliissutigineqarsimasut periarfissiinerat malillugu sumiiffinni radioqarfiit tv-qarfiillu kattuffiannut, kattuffiup ingerlanneqarneranut tapiissutinik kiisalu aningaasanut inatsimmi tassunga aningaasaliissutigineqarsimasut periarfissiinerat malillugu sumiiffinni radioqarfiit tv-qarfiillu sulisuisa ilinniarteqqinneqarnerannik ingerlaqqiffiusumillu ilinniartinneqarnerannik ineriartortitsinermit tapiissuteqartassapput.

§ 41. Tunngaviusumik tapiissutit tamakkiisumik ilaannakuusumilluunniit utertinneqarnissaat piumasarineqarsinnaavoq, tapiissutinik pissarsisoq

- 1) tunngaviusumik tapiissutinik tapiiffigineqarnissamik qinnuteqaateqarnermini eqqunngitsunik paasissutissiisimappat,
- 2) aallakaatitassiornermik ingerlataqarnermi annertuumik allannguutit nalunaarutigisimanngippagit, tak. 38, imm. 4,

- 3) aallakaatitassiornermik ingerlataqarnini pillugu nassuiaammik piffissaliussatut aalajangersarneqartup iluani tunniussaqaarsimangippat, tak. 38, imm. 5, imaluunniit
- 4) aallakaatitsisinnaanermut akuersissummik tunineqarnissamut piumasaqaatinik naammasinnikkunnaarsimappat, tak. § 13.

Imm. 2. Aallakaatitassiornermut tapiissutit tamakkiisumik ilaannakuusumilluunniit utertinneqarnissaat piumasarineqarsinnaavoq, tapiissutinik pissarsisoq

- 1) aallakaatitassiornermut tapiissutinik tapiiffigineqarnissamik qinnuteqaateqarnermini eqqunngitsunik paasissutissiisimappat,
- 2) nammineerluni aallakaatitassiornermik pillugu nassuiaammik piffissaliussatut aalajangersarneqartup iluani tunniussaqaarsimangippat, tak. 39, imm. 4, imaluunniit
- 3) aallakaatitsisinnaanermut akuersissummik tunineqarnissamut piumasaqaatinik naammasinnikkunnaarsimappat, tak. § 13.

Imm. 3. Tunngaviusumik tapiissutit, aallakaatitassiornermut tapiissutit aamma sumiiffinni radioqarfiit tv-qarfiillu kattuffiata ingerlanneqarneranut tapiissutit kiisalu ilinniartitseqqinnermut ingerlaqqiffiusumillu ilinniartitsinermut tapiissutit tamakkiisumik ilaannakuusumilluunniit utertinneqarnissaat piumasarineqarsinnaavoq, tapiissutinik pissarsisup tapiissutit aningaasaliisutigineqarneranni siunertaannit allaanerusunut atorsimappagit.

§ 42. Naalakkersuisut tunngaviusumik aamma aallakaatitassiornermut tapiissutit kiisalu tapiissutit § 40-mi taaneqartut, matumani ilanngullugit qinnuteqaat, naatsorsuutit utertitsinissarluk pillugit erseqqinnerusunik maleruagassiorsinnaapput.

Imm. 2. Naalakkersuisut isumagisassanngortitsinerminni radio tv-lu pillugit aalajangiisartut kattuffilluunniit sumiiffinni radioqarfiit tv-qarfiillu sinniisigisaat tamakkiisumik ilaannakuusumilluunniit peqqusinnaavaat, tunngaviusumik aamma aallakaatitassiornermut tapiissutit kiisalu ilinniartitseqqinnermut ingerlaqqiffiusumillu ilinniartitsinermut tapiissutit pillugit maleruagassanik isumaginneqqullugit. Naalakkersuisut tapiissutit isumagineqarnerat pillugu isumaginnitussatut piginnaatitsinermut maleruagassanik aalajangersaasinnaapput.

Imm. 3. Aningaasat tunngaviusumik aamma aallakaatitassiornermut tapiissutit atunngitsoorneqartut ilinniartitseqqinnermut ingerlaqqiffiusumillu ilinniartitsinermut tapiissutit Naalakkersuisunit atorineqarsinnaapput, tak. § 40, imm. 1. Tapiissutinik allaffissornikkut aqutsineq allamat isumagisassanngortinneqarsimappat, taamatut piginnaatinneqartup tunngaviusumik aamma aallakaatitassiornermut tapiissutit atunngitsoorneqartut ilinniartitseqqinnermut ingerlaqqiffiusumillu ilinniartitsinermut tapiissutit atorsinnaavai.

Kapitali 6

Radio tv-lu pillugit aalajangiisartut

§ 43. Naalakkersuisut aalajangiisartut, Radio tv-lu pillugit aalajangiisartut radiumi tv-milu suliasanik arlalinnik samminittuusussaq pilersissavaat, tak. paragraffit 44-miit 46-mut. Aalajangiisartut ukiuni sisamani atasussatut pilersinneqassaaq, siullermik piffissamut 1. januar 2005-imiit 31. december 2008-mut.

Imm. 2. Aalajangiisartut pingasunik ilaasortaqaassaaq, taakkualu tamarmiullutik ingerlatsinermut, inuussutissarsiornermut, tusagassiornermut kulturimullu tunngasunik ilisimasaqassapput. Ilaasortat Kalaallit Nunaanni najugaqartuussapput, Inatsisartuni ilaasortaassanatik, KNR-ip, Sinerissami Takusassiiviit Tusagassiiviillu Kattuffiata (STTK) STTK-lluunniit ilaasortaasa arlaanni siulersuisuini ilaasortaassanatik taakkunaniluunniit sulisuussanatik.

Imm. 3. Suleqatigisat attuumassuteqartut ilaasortassatut siunnersuutissaannik piniareerlutik Naalakkersuisut aalajangiisartut ilaasortassaanik toqqaasassapput. Naalakkersuisut aalajangiisartut siulittaasua toqqaasavaat.

Imm. 4. Naalakkersuisut aalajangiisartut oqaaseqartereerunikkut aalajangiisartut suleriaasis-saa pillugu maleruagassat aalajangersassavaat.

Imm. 5. Naalakkersuisut aalajangiisartut allattoqarnissaa isumagissavaat.

Imm. 6. Aalajangiisartut ingerlatani pillugit ukiumoortumik nalunaarusiamik Naalakkersuisu-nut tunniussaqaartassaaq.

§ 44. Radio tv-lu pillugit aalajangiisartut suliassai pingaarnert makkuupput:

- 1) Sumiiffimmi aallakaatitsisinnaanermut akuersissutinik tunniussisarneq.
- 2) Sumiiffimmi aallakaatitsisinnaanermut akuersissutinik atorunnaarsitsisarneq aamma nuna tamakkerlugu aallakaatitsisinnaanermut akuersissutinik atorunnaarsitsinissaq pillugu Naa-lakkersuisunut inassuteqartarneq.
- 3) KNR-ip innuttaasunik kiffartuussinermut isumaqatiissutip eqquutsinneqarneranik ukiu-moortumik nassuiaataanik misissuataarisarnissaq, Naalakkersuisunullu tamanna pillugu oqaaseqaasiornissaq.
- 4) Suliassat pilerisaarutitut aallakaatitallu aningaasalersorneqarnerannut tunngasut aalajan-giiffigisarnert il.il., tak. § 46.
- 5) KNR-ip aamma radioqarfiit tv-qarfiillu allat, radiukkut tv-kkullu aallakaatitsisarneq pillu-gu maleruagassanik malinninnissaannik nakkutilliinissaq, tassunga ilanngullugit Inatsisar-tut peqqussutaannik, inatsisartut peqqussutaat naapertorlugu aalajangersakkanik akuersis-suteqarnissamullu piumasaqaatinik unioqqutitsisoqartillugu assuarliutit.
- 6) Radio tv-lu pillugit apeqqutini Naalakkersuisut siunnersortassallugit.

Imm. 2. Radio tv-lu pillugit aalajangiisartut isumagissavaa attuumassuteqanngitsut avataa-neersut tusarnaartartunut isiginnaartartunullu tunngatillugu makkuninnga misissuisinneqartar-nissaat

- 1) radiukkut tv-kkullu aallakaatitsineq pillugu kissaatit aamma
- 2) nuna tamakkerlugu aamma sumiiffinni radioqarfiit tv-qarfiillu aallakaatittagaannik aam-malu radiukkut tv-kkullu neqeroorutitik allanik atuineq.

Imm. 3. Naalakkersuisut Radio tv-lu pillugit aalajangiisartut allanik suliakkersorsinnaavaat.

§ 45. Radio tv-lu pillugit aalajangiisartut aalajangiiffigisassavai sumiiffinni aallakaatitsisin-naanermut akuersissutinik tunniussinissaq atuukkunnaarsitsinissarlu.

§ 46. Pilerisaarutitut aallakaatitassianullu aningaasalersorneqartunut tunngatillugu Radio tv-lu pillugit aalajangiisartut suliassai makkuupput:

- 1) Paragraffit 50-imiit 55-imut aamma § 53 naapertorlugit pilerisaarutit suussusersinissaat, inissinneqarnissaat, oqaasertaat annertussusaallu pillugit aalajangiisartut aalajangiisas-saaq.
- 2) § 52 naapertorlugu radiukkut tv-kkullu pilerisaarutit imarisassaat aalajangiisartut aalajan-giiffigisassavai. Aalajangiisartut maleruagassat unioqqutinneqarnerat assuarliutigisinnaa-vai aammalu KNR aamma aallakaatitsisarnissamut akuersissuteqartoq peqqusinnaallugit aalajangiinerup tamanut saqqummiunneqarnissaanik. Aalajangiisartut aalajangiiffigisin-naavaa tamanna qanoq iliornikkut qanorlu iluseqarluni pinissaa.
- 3) Paasisutissat immikkut illuinnartut pilerisaarutitigut aallakaatinneqartut pillugit aalajan-giisartut akissuteqarnissamut aalajangiissaaq. Akissuteqarnissamut piumasaqaataavoq, paasisutissat aningaasaqarnikkut imaluunniit allatigut pingaaruteqartumik ajoqusiinissa-mut peqqusissutaasinnaanerat, ilumuussusiisalu nalorninaatsuunissaat. Aalajangiisartut KNR aamma aallakaatitsisarnissamut akuersissuteqartoq akissuteqarnissamut peqqusin-naavai. Aalajangiisartut aalajangiiffigisinnaavai akissuteqarnissap imarisassaa, ilusissaa inissinneqarnissaalu.

- 4) Paragraffit 54 aamma 55 naapertorlugit aningaasaliisut aallakaatitassianillu aningaasaliisut suussusersineqarnissaat aalajangiisartut aalajangiiffigissavai.

§ 47. Radio tv-lu pillugit aalajangiisartut aalajangiineri pisortaqarfinnut allanut ingerlateqqineqarsinnaanngillat.

§ 48. Radio tv-lu pillugit aalajangiisartut suliassaminik isumaginninnissamini KNR aamma aallakaatitsisinnanermut akuersisummik piginnittoq suliffeqarfiup ingerlanneqarnera pillugu paasissutissanik piunasaqarfigisinnaavaa.

§ 49. Radio tv-lu pillugit aalajangiisartut ingerlatsinera Naalakkersuisut malittarisassiuussinnaavaat, tassunga ilanngullugit aalajangiisartut suliassai, ilusissaa ukiumullu nalunaarusiami missingersuutit naatsorsuutillu imarisassaat.

Kapitali 7

Pilerisaarutit aallakaatitanillu aningaasalersuisarneq

§ 50. Radiumi tv-milu pilerisaarutit imatut paasineqassapput:

- 1) Nioqqutissanut, kiffartuussinernut suliffeqarfiillu iluanaarniarnissamik siunertaqartut kaammattuutit nersorinninnerillu, qanorluunniit aallakaatitassiamut akiliuteqartoqarsimagaluarpat.
- 2) Aningaasarsiornikkut soqutigisaqaqatigiit pillugit ilisimatitsissutit isummanillu saqqummiussinerit, assersuutigalugu inuussutissarsiuteqartut kattuffii, sulisitsisut kattuffii sulisartullu peqatigiiffii pillugit aammalu upperisarsiornikkut paasissutissiinerit politikikkulluunniit isummiussat, peqatigiit taakkua isumaasa siuarsarneqarnissaat kaammattuutigineqarnissaallu siunertaralugit, qanorluunniit aallakaatitassiamut akiliuteqartoqarsimagaluarpat.

Imm. 2. Pilerisaarutit ilumut taamaattuunerat uppernarsarneqarsinnaasariaqarpoq, taamaalluni imarisaat saqqummiunneqariaasiallu aallakaatitanit nalinginnaasunit allaanerulluni.

§ 51. Tv-kkut, tekst-tv kisiat pinnagu, pilerisaarutit sivisunerpaamik minutsinik tallimanik sivisussusilikkuutaamik taamaallaat aallakaatinneqarsinnaapput. Reklamit taakku aallakaatitanut akunniliullugit inissineqassapput.

Imm. 2. Radiukkut pilerisaarutit KNR-imi taamaallaat sivisunerpaamik minutsinik tallimanik sivisussusilikkuutaamik aallakaatinneqarsinnaapput, aallakaatitanullu akunniliussatut inissineqassallutik.

Imm. 3. Pilerisaarutininik aallakaatitsinerit piffissap ullormut aallakaatitsiviusup 10 procentiinit sivisunerussanngillat.

§ 52. Nakorsaatit, tupat, immiaaqqat, viinnit imigassallu kimittuut pilerisaarutininut ilanngunneqaaqusaanngillat, taamaattorli tak. imm. 3.

Imm. 2. Aamma upperisarsiornermik suliaqartut aamma politikikkut partiit, katusseqatigiit, kattuffiit kisimiillutillu qinigassanngortittut tv-kkut pilerisaarutininut ilanngunneqaaqusaanngillat, taamaattorli tak. imm. 3.

Imm. 3. Naalakkersuisut imm. 1-imi 2-milu inerteqqutit avaqqunneqarsinnaaneri pillugit maleruagassiorsinnaapput.

§ 53. Pilerisaarutit aallakaatitassiornermi qanoq ittumik ilanngunneqartarnissaat Naalakkersuisut malittarisassiuussinnaavaat, matumani ilanngullugit pilerisaarutit suunerannik uppernar-

saanermut, inissisimanerannut, oqaasiinut imarisaannullu aammalu qanoq annertussuseqarnissaannut maleruagassat. Tamatumunnga atatillugu pilerisaarutit meeqqanut sammitinneqartut inissinneqarnissaannut aamma nioqqutissat meeqqanut tunngasut pillugit pilerisaarutitut tunngasut Naalakkersuisut malittarisassiuussinnaavaat.

§ 54. Aallakaatitassianut aningaasalersuisarnermut ilaapput inuup ingerlatsiviulluunniit radiukkut tv-kkulluunniit aallakaatitassianik, filminik il.il. aallakaatitsinermik aallakaatitassiornermilluunniit ingerlataqartuunngitsup, atermi, ilisarnaatimi (logo), kinaassutsimi, ingerlatami nioqqutissiamiluunniit ilisimaneqarnerulernissaa siunertaralugu radiukkut tv-kkulluunniit aallakaatitassiat, matumani aamma tekst-tv-mi takutitat toqqaannartumik toqqaannangitsumilluunniit aningaasalersorneqarnerannut tapiissutai suulluunniit.

Imm. 2. Aallakaatitap aningaasalersugaanera aallakaatitap aallartinnerani, naanerani aallakaatitalluunniit nalinginnaasumik unillatsiarfiini imaluunniit taaneqartut arlaanni arlalinni tapiissuteqartup aqqata ilisarnaataaluunniit (logo) nalunaarneqarneratigut ilisarnarsisinneqarsinnaasariaqarpoq. Tamakkuali aallakaatitami imminermi nalunaarneqassanngillat. Taamaattorli tekst-tv-mi takutitani ataasiakkaani, imm. 1 naapertorlugu tapiiffigineqartuni tapiissuteqartup aqqa ilisarnaataaluunniit (logo) nalunaarneqassapput.

Imm. 3. Aallakaatitap aningaasalersorneqartup imarisaa qanorlu saqqummiunneqarnera tapiissuteqartumit imatut sunniuteqarfigineqassanngilaq, radioqarfiup tv-qarfiulluunniit aallakaatitanut tunngatillugu aqqissuussinikkut nammineersinnaaneranut malunniutissalluni.

Imm. 4. Aallakaatitassiat inuup ingerlatsiviulluunniit immiaaqqanik, viinninik imigassanillu kimittuunik, tupanit nioqqutissianik nioqqutissanilluunniit pujortarnermut atatillugu atorneqarnerusartunik aammalu nakorsaatinik tunisassiornissamik tuniniaanissamillu pingaarnertut ingerlataqartup aningaasalersugai aallakaatinneqaqqusaanngillat, taamaattorli tak. imm 8.

Imm. 5. Aallakaatitassiat upperisarsiornermik suliaqartunit aamma politikikkukut partiinit, kattuffinnit kisimiillutillu qinigassanngortittunit aningaasalersorneqartut aallakaatinneqaqqusaanngillat, taamaattorli tak. imm. 7 aamma 8.

Imm. 6. Aallakaatitassiat nutaarsiassanik maannarpiarlu soqutiginarunik imallit aningaasalersorneqartut aallakaatinneqaqqusaanngillat.

Imm. 7. Radioqarfiit tv-qarfiillu tapiissutinik pissarsineq ajortut imm. 5-imi pineqanngillat.

Imm. 8. Naalakkersuisut imm. 4-mi 5-imilu inerteqqutit avaqqunneqarsinnaaneri pillugit maleruagassiorsinnaapput.

§ 55. Aningaasalersuisarnerit aallakaatitassiornermik ingerlatsinermi qanoq ittumik ilanngunneqarsinnaanerannut maleruagassat erseqqinnerusut Naalakkersuisunit aalajangersarneqarsinnaapput.

§ 56. Pilerisaarutit ilanngunneqartut aallakaatitassiallu aningaasaliiffigineqartut pillugit naammagittaalliutit, tak. § 46, ilanngunneqartup aallakaatinneqartulluunniit aallakaatinneqareerneratigut sapaatip akunneri sisamat qaangiutsinnagit Radio tv-lu pillugit ataatsimiititaliamit tiguneqareersimassapput.

Imm. 2. Radio tv-lu pillugit aalajangiisartut suliassanik nammineerluni suliassanngortitsinisani aalajangersinnaavaa.

Imm. 3. Naalakkersuisut pilerisaarutit aallakaatitanillu aningaasalersuisarneq pillugit sulianik naammagittaalliuteqartarnek pillugu maleruagassanik aalajangersaasinnaapput.

Kapitali 8

Misileraanerit aamma pineqaatissiinerit

§ 57. Misileraanerit Inatsisartut peqqussutaanni aalajangersakkt periarfissiinerat naapertorlugu ingerlanneqarnissaat Naalakkersuisut akuersissutigisinnaavaat.

§ 58. Dekoderinik imaluunniit dekodeerit atortunik allanik, radiukkt tv-kkulluunniit aallakaatitap ilisarnarunnaarsarneqarsimasup (kodet) imarisaanik pisortanit akuersisaanngitsumik pissarsinissamut atugassanik sananissaq, eqquusinissaq, tuniniaanissaq, ikkussinissaq, peqarnissaq allanngortitsinissarlunniit inerteqqutaapput. Atortut tamakkua takoqqusaarutigisissaat allatulluunniit pilerisaarutini ilanngunneqarnissaat inerteqqutaavoq.

§ 59. Akiliisinneqarsinnaavoq

- 1) § 1-imut akerliusumik tusarnaagassanik isiginnaagassanillu aallakaatitassiortoq,
- 2) tusarnaagassanik isiginnaagassanillu § 4, imm. 1-imut imaluunniit § 4, imm. 2 aamma 3 malillugit piumasaqaatinut akerliusunik, aallakaatitsissutit digitaliusut aqutugalugit siammarterisoq,
- 3) tusarnaagassanik isiginnaagassanillu paragraffinut 5-imiit 7-imut akerliusumik antenneqarfiit ataatsimoorussat atorlugit siammarterisoq,
- 4) aningaasaliissutigineqartunit allaanerumik siunertanut allanut tapiissutinik atuisoq,
- 5) § 46, imm. 1, nr. 1 malillugu aalajangikkamik sumiginnaasoq,
- 6) naqqiissuteqarnissamik aalajangiinermik sumiginnaasoq, tak. § 46, imm. 1, nr. 2, imaluunniit
- 7) § 6-imik, § 7, imm. 1-imik 2-millu, paragraffinik 15-imiit 18-imut, paragraffinik 50-imiit 51-imut, § 52, imm. 1-imiit 2-mut, § 48, § 54, imm. 2-miit 6-imut, § 58-imik imaluunniit § 17 naapertorlugu peqqussummik unioqutitsisoq.

Imm. 2. § 8-mi, § 12-imi, imm. 4-mi, § 16-imi, imm. 2-mi, 38, imm. 2-mi, § 39, imm. 2-mi, § 42, imm. 1-imi, § 53-imi aamma § 55-imi inassutinik unioqutitsinerit akiliisussanngortitsissutaasinaapput.

Imm. 3. Aktietigut ingerlatseqatigiiffiit, piginneqatigiilluni ingerlatseqatigiiffiit, peqatigiiffiit assigisaalluunniit pillaammik akiliisussanngortinneqarsinnaapput. Kommuni kommunilluunniit suleqatigiiffiit il.il. pillaammik akiliisussanngortinneqarsinnaapput.

Kapitali 9

*Atuutilersitsissutaasumik, ikaarsaarutaasumik
atuukkunnaarsitsissutaasumillu aalajangersakkt*

§ 60. Inatsisartut peqqussutaat ulloq 1. januar 2005-imiit atuutilissaaq. Tassunga ilutigitillugu Radiukkt fjernsynikkullu aallakaatitsisarneq pillugu Inatsisartut peqqussutaat nr. 3, 17. maj 1990-imeersoq atuukkunnaarsinneqassaaq, taamaattorli tak. imm. 3.

Imm. 2. Malittarisassat radiukkt fjernsynikkullu aallakaatitsisarneq pillugu Inatsisartut peqqussutaat nr. 3, 17. maj 1990-imeersoq naapertorlugu aalajangersarneqartut atuutiinnassapput, Inatsisartut peqqussutaani matumani allaniluunniit tunngavissaqarluni maleruagassat aalajangersarneqartut allamik taarserneqarnissaasa imaluunniit atuukkunnaarsinneqarnissaasa tungaannut.

Imm. 3. Radiukkt fjernsynikkullu aallakaatitsisarneq pillugu Namminersornerullutik Oqartussat nalunaarutaat nr. 34, 26. november 1991-imeersoq maleruagassallu tassunga aalajangersakkt naapertorlugit sumiiffinni radioqarfinnut tv-qarfinnullu, Radiukkt fjernsynikkullu aallakaatitsisarneq pillugu Inatsisartut peqqussutaat nr. 3, 17. maj 1990-imeersoq naapertorlugu akuersissuteqarfigineqartunut atuuppoq, taakkua Inatsisartut peqqussutaat manna naapertorlugu aallakaatitsisarnissamut akuersissuteqarfigineqarnissamik tungaannut. Suliassat Radio tv-lu pillugit naammagittaalliuuteqartarfimmut isumagisassanngortinneqarsimasut januarip aallaq-

qaataanit 2005-imiit Radio tv-lu pillugit ataatsimiititaliamit isumagineqalissapput, taamaattorli tak. § 64.

§ 61. Naalakkersuisut KNR-illu anguniagassat pillugit isumaqatigiissutissaat, tak. § 28, siullerpaameerluni isumaqatigiissutigineqassaaq piffissamut 1. januar 2006-imiit 31. december 2008-imut, taavalu kingorna 1. januar 2009 aallarnerfigalugu ukiut sisamakkuutaartumik.

§ 62. Radiukkut fjernsynikkullu aallakaatitsisarneq pillugu Inatsisartut peqqussutaanni nr. 3-mi, 17. maj 1990-imeersumi maleruagassat naapertorlugit siulersuisut toqqarneqartut, 1. november 2005-imi nutaamik siulersuisussanik toqqaanissap tungaanut atuutissapput.

§ 63. Akuersissutit radiukkut fjernsynikkullu aallakaatitsisarneq pillugu Namminersornerullutik Oqartussat nalunaarutaat nr. 34, 26. november 1991-imeersoq naapertorlugu sumiiffinni radioqarfinnut tv-qarfinnullu tunniunneqarsimasut ulloq akuersissutip atorunnaarfissaatut aalajangerneqarsimasoq tikillugu atuutissapput, taamaattorli tak. imm. 2.

Imm. 2. Inatsisartut peqqussutaanni matumani kapitali 5 naapertorlugu tapiissutit tunniunneqarnissaannut piumasaqaataavoq, qinnuteqartup aallakaatitsisinnanermut akuersissummik kapitali 5-imi maleruagassat malillugit tunineqarsimanissaa.

§ 64. Naammagittaalliuutit 1. januar 2005 nallertinnagu Radio tv-lu pillugit naammagittaalliuuteqartarfimmut anngunneqartut, Radio tv-lu pillugit naammagittaalliuuteqartarfimmit inarneqassapput Radiukkut fjernsynikkullu aallakaatitsisarneq pillugu Inatsisartut peqqussutaat nr. 3, 17. maj 1990-imeersoq peqqussullu taanna naapertorlugu maleruagassat aalajangersarneqartut naapertorlugit inaarlugit naammassineqassapput.

§ 65. Inatsisartut peqqussutaat radiukkut tv-kkullu ingerlatsinernut danskit amerikamiullu sakkutooqarfiini (Pituffik), Kalaallit Nunaata illersorneqarnissaa pillugu 27. april 1951-imi isumaqatigiissut naapertorlugu pilersinneqarsimasuni amerikamiunit ingerlanneqartunut atuutinnngilaq.

Namminersornerullutik Oqartussat, ulloq 14. november 2004

Hans Enoksen

/

Henriette Rasmussen